

順齋先生閑居叢藁

三

順齋先生閑居叢藁卷之三

上海圖書館藏

男 蒲機 類編

門生 薛懿 校正

律詩

五言

壽趙經歷

崧洛居中士人才自間生星躔動芒
角金氣與高明芹泮規模好蓮帷議
論清黑頭長健在洗眼望雲程

叢藁卷三

一

贈韓知事

近喜紅蓮幕人才又一新青春能奮
達素節豈緇磷自恨樞趨緩多慚避
逅頻詩成供莞爾聊欲話情真

餞洋州長官

監郡初交篆洋人遽索詩以茲無厭
斁知昔有施爲喬木百年在甘棠再
世思青雲前步濶穩駕未爲遲

將至中山

中山何處是隱隱望孤城遠靄青林
暗斜陽白塔明韓蘇名不朽遼宋恨
應平策馬長途晚風沙老客情

題褚鑑先明遠亭

危亭擇竒勝登賞寄遐觀隱几月華
入出門天宇寬面墻嗟壅塞坐并笑
欺謾表裏須同致休成兩樣看

餞褚鑑先

臨行方識面未暇細論心但見求詩

切從知好德深宦游應已久鄉思自
難禁莫把牛腰卷歸裝當橐金

偶書

入樹秋風早驚心節序遷晚雲兼去
鶴涼雨靜鳴蟬得句因新意耽書是
宿緣平生愛冲澹何事亦華顛

閏七月十五夜月

玉宇明如洗銀盤爛不收今年非閏
月此夜即中秋名實難相副陰晴豈

豫謀及茲清景好且爲一樽酬

中秋雨次前韻

掛鏡光何在懸麻雨未收不成千里
共虛度一年秋剪紙無仙術藏樽有
婦謀却將前日句飲罷自賡酬

乾州學正牟中行訪林于蜀

勤子闖幽戶欣然識面初蜀天留季
父秦地敢寧居正想承歡際應忘歷
險餘明年歸有約還爲赴新除

月蝕詩次晏耕叟教授韻

滿盈不可恃消鑠暫成昏人心一時
懼天眼萬古存妖墓尚逋劍餓虎方
守閤言高無乃罪括囊取諸坤

不寐

不寐情尤耿聞更夜向深撫牀驚鼠
嚙歌枕厭蛩吟擾擾無窮事悠悠未
了心華胥真樂國合眼試追尋

挽鳳翔馬氏賢母

馬嘗出
濟大

明德服大練文淵生女賢至今雖已
遠末裔尚依然子訓嚴逾愛閨儀後
若先歲荒蒙惠者灑淚徧新阡

洋州儒學正劉敏道得代歸
設科時未暇學校籛羊存亦以循資
例聊爲入仕門羨君由此進求贈尚
奚言勿以筌蹄看頻將舊業温

題人慶八十詩卷

身是七朝民年登八袞春伴行鳩杖

瘦介壽蟻醅新祿養孫能達家居志
得伸遙持玉堂詠歸詫晉州人

題國子生張行脩歸養卷

不待陽城告歸心勇決餘祗緣親向
老豈爲士懷居此是真知學應勝謾
讀書勛哉儒事業天報定無虛

送柏帖木兒之天台治中

西域雄豪遠南州惠愛多繭絲非雅
志襦袴聽新歌仙境閑追訪民情自

泱和會因龐驥展回轡接朝珂

和秋谷平章上都寄示韻

公論何嘗泯浮言枉自侵明公之出
處善類以升沉導日功非淺回天力
尚任於昭有神鑒偏燭老臣心
獨樂今司馬忠誠世所推帝心元簡
在史事實優為此自陰存數餘非我
敢知願公摠素志黽勉荅明時

晉寧房秀才下第

叢藁卷三

五

近閱賓興士多君氣質淳鷁飛雖暫
退蠖屈定伸勿羨囊中穎還輕席上
珍三年姑少待鳴即看驚人未

題漢州多勝亭

金鴈亭邊景難將一字褒江山雖衆
羨人境亦相高解紱裁籬菊開樽擷
澗毛令人生遠思聲利等秋毫

題王仲寬餘慶堂卷

諛草開偏耐蘭芽植已稠安榮欣此

日積累繼前修惠迪宜逢吉勤耕乃
有秋堂名非溢美微意要深求

送榮澤張縣令

人說張明府曾襟自八窓脫身曹史
局試手子男邦樂易民情悅公廉物
議降會聞榮澤政前後號無雙

題陝省都事薛君英好古軒

聖賢去已遠義理存諸言篤信有斯
人簡冊開明軒食寢或忘廢朝夕恒
討論好而至於樂踐履尤可尊

題莊氏見山樓

白眼憎俗物紅塵遠市廛高居得如
此雅興自悠然翠挹憑欄外吟成拄
笏邊相看兩無斲誰似主賓賢

題劉孝子卷

生喪明業陰
陽失母有父

人說劉君孝供需只五行可憐書月
蝕何害性天明血淚既哀死甘腴惟
養生清時公論在門表足光榮

送劉宰之官溫縣

昔日廉能簿曾聞去後思懸知溫縣
政不負冷官師製錦心優解鳴琴化
易施民安即循吏何用更求奇

送胥秀才赴雲南教授

詔下開文治君歸得教官讀書酬雅
志旋旆詫榮觀勿以居夷陋當思稱
職難方知誤身者初不在儒冠

送人赴教官逸姓氏

學職無卑小能弘亦在人升高須自
下溫故可知新勿慕囊中穎還輕席
上珍他時看成就一振舊衣塵

送劉彥讓山北憲史

俗吏固不可腐儒良足嗤明經先植
本讀律貴知時還自士林秀陞從憲
府宜更將清慎字座右作箴規

送人之憲史逸姓氏

讀書期有用出仕愧無名擢自儒林

秀陞陪憲府英持身先玉潔用法貴
衡平萬里雲霄路權輿在此行

山西宣慰司札法經歷辭御
史不就

顏色未頗識聲華今藹聞柏臺辭要
職蓮幕贊奇勲惠及山西道才空冀
北羣更堅忠義節仰荅

聖明君

題江南醫者王道人卷

荆國來芳齋草廬為序文清修真不
忝許可固宜云玉筋臻神妙金丹脫
垢氛地行仙亦樂何必躡青雲

題節婦賈氏傳

割股已親病髮髦垂我儀九原如可
作百歲以為期曠日言猶在秋霜節
不虧子成門有表天道豈無知

九月十八日黃菊始開時且

禁釀謗成示德衡弟

萼萼秋事杪幽叢花始黃直一凋衆
卉纔許見孤芳重露洗金質嚴風吹
綠裳陶翁如有酒何日不重陽

走筆與德衡弟

茗椀忘言處相看俱白頭情知天下
樂各向意中求鳥語彼能解花開春
自謀寓形霄壤內俯仰亦何憂

陽月十日旦起示薛生

深得閑中趣何求身外名晨香生淨

想午茗滌餘醒習氣書難捨風光句
偶成天公於我厚自用豈宜輕

食苦蕎糕

穀中偏早熟濟歉未渠厭農舍勤相
饋盤飧得共霑羊肝堪比色蜂蜜已
輸甜苦盡甘來語於茲亦可占

偶記少時小年能綴文詩

彼美誰欺子蘄然早見稱綴文當世
有惟汝小年能稚齒為星鳳清姿秀

玉冰聯章成脉絡緝句合規繩穎悟
過長吉推揚自少陵可憐東魯客頭
白短檠燈

順齋先生閑居叢藁卷之三

順齋先生閑居叢藁卷之四



男 蒲機 類編

門生 薛懿 校正

律詩

七言

上察司廉使二首

柏臺聲望久聞廉
驄馬西來得具瞻
正笏垂紳存大體
奮髯抵几走羣纖
官無褻濫威風凜
物有生成化雨霑

黃香齋卷四

勲業共推家世舊
鳳池平步不須占

又

自任當今捨我誰
敢將直道進匡時
事來肯避風波惡
判重寧聞海嶽移
相漢韋賢真
有子興周姬
旦豈無兒
赤心報國
遵家訓
忠孝方能
兩不虧
憲副王公
重到興元

驄馬西巡又隔年
袖詩兩度得趨前
翰林風月文章手
憲府冰霜政事權

出語無疵皆白璧消閑何物止青編
聲名霹靂驚天上已聽喧騰萬古傳

送梁君章

梁因兵失姑後得於興元景氏團聚

後復回臨

最憐姑姪鬢俱華兵後相望道路賒
幾載睽離陰有數一朝團聚喜無涯
歸心又逐秋風起別恨那堪晚日斜
樽酒平安須滿飲馬頭西向是君家

代送梁君章

去歲君章子先見姑

賢郎去歲省姑還今日親行冒險艱
覲面共嗟成白髮認聲無復識朱顏
蕭蕭窓外鳴疎雨歷歷燈前話故山
終擬移家居漢上暫歸不用唱陽關
史繼甫錄事司典史

千載明時獲遇遭丰姿挺秀氣尤豪
華峯秋隼精神緊溟海風鵬羽翮高
政羨自寬煙火禁才長聊屈簿書勞
期君騰達興門闕不愧春秋一字褒

趙和之壽

慶源初發自玻瓈流派深長未可涯
教子義方無愧怍待人和氣亦謙卑
良辰又際懸弧旦佳境渾如食蔗時
五福壽惟仁者得垂蓮千歲飲芳卮
丁錄事之任

白髮叅軍赴任新歡聲喜氣滿城闔
老成練事明三尺煙爨安居樂四民
宴室香凝松入夢公庭訟簡棘生春

兼葉卷四

五

寒儒共作斯文賀釋奠今秋已得人
座上壽鄧明仲

汗血權竒志已邁駸駸殆欲度驂騑
可人玉樹丰姿秀與我金蘭氣味投
一脉斯文知有永寸心天爵在能修
祝君具慶年年好直着斑衣到白頭
閑居讀四將傳有感

宗鼎中遷僅未亡奮然四傑擅鷹揚
江東已幸開新主河朔終期復舊疆

時相姦邪工沮撓中興事業竟淒涼
至今凜凜有生氣三復遺編為感傷

亢府判宅落成

美哉輪奐照康莊盛事爭誇畫錦堂
魏證枉教移帝殿姚崇何苦住僧房
青雲路穩鶯遷好畫戟門深燕寢香
不特新居爲可賀克家猶喜見諸郎
覺和尚庵賞白蓮

冰雪肌膚出淤泥伶俜寒影照漣漪

曉風浮冷夢初醒夜月嬋娟清更宜
未要露濃垂別淚先看冰滑洗凝脂
陶詩近體驚兒女大笑廬山遠法師
壽鄧載之

深喜安居託里仁獲從賓客賀佳辰
眼前秀發斑衣子堂上柔寧白髮親
和氣自應浮壽筭行年更爲數靈椿
直須釀取如澠酒剩醉梅花十月春

郭某席間賦

喔喔晨雞喚夢醒
窓窗好月壁窗燈
宦情爵蠟淡無味
世路登天吁可增
十載飄零都是客
一廬寂寞靜於僧
調羹事業無勞說
深謝諸公愧不能

察司陳知事

次翁斫雲陳先生之子也

生遲不見斫雲翁
嵇紹昂昂有父風
設榻憲臺爲上客
楊旗詩壘作元戎
讀書素負匡時志
正己應多及物功
今日朝廷用賢急
早聞催赴大明宮

和史儒首重九韻

籬菊花開却爲誰
最憐不負九秋時
興來惟用詩篇遣
吟就喜將塵硯吹
但有金英浮蟻醪
從無玉盃捧蛾眉
猶勝杜老傷流落
謾憶茱萸賜一枝

又

龍山故事始於誰
歲歲登高定此時
菊朶滿將頭上插
秋風從向鬢邊吹
酒狂不管歌烏帽
詩好還須讓白眉

寂寞東籬兩寒蝶翩翩猶戀可憐枝
餞蜀憲僉王元亨

一柱西南儘力扶已教餘子愧非夫
歸來喪經終憂制豈料絲綸到倚廬
疇昔憲綱曾整頓此行蜀道不崎嶇
春風驄馬經過處父老遙知識故吾
餞曹侯之憲使任

稅駕侯藩尚未遑已聞西憲促提綱
眼前徑路從來濶度外功名不用忙

叢書卷四

六

麟鳳固知非搏擊豺狐未信敢跳踉
傍人莫訝春風過漂灑威稜看肅將

與學士劉希載時為採訪司

照人丰度絕纖埃黼黻皇猷得異才
簡拔正爲今日用巡行快覩使星來
勝栽桃李清陰滿力刻荆榛公道開
願借飛仙一丸藥不憂弱水隔蓬萊

又

向歆經術自淵源召入承明藉討論

已爲文盟執牛耳肯容晚學造龍門
異時但慕聲名重此日能陪笑語溫
尊主庇民知有策更將諮訪荅明恩
和耶律奉使寄山木公詩韻
兩公姓字徹穹蒼隨處棠陰蔽芾涼
許國肺肝同皦日憂時鬢髮各微霜
德星共喜來京國太史應占聚古梁
更有翰林同唱和鼎分文陣各堂堂

上耶律左丞

掃退陰霾日正中天心方責太平功
臨軒遣使非常例爲國披肝乃至忠
萬里遼東驚鶴至一朝冀北見羣空
豈容閑袖調元手黃閣還歸眷倚隆

又

昨宵李邵候星躔此日輶車入漢川
烏府舊曾稱鐵面鳳池到底是青氈
霜鬢憂國遠如此月眼看書尚瞭然
六轡諮詢有餘暇錦囊定富紀行篇

送馬教授美解東歸

學與時行不悖美况無才器出名家
大羹元酒有真味璞玉渾金無點瑕
一再話間官秩滿四千里外客程賒
晚成者取文淵器莫對秋風重歎嗟
賀夾谷副使弄璋

忠靖公家世澤存况君積善更培根
相承自合縣瓜瓞必復行看在于孫
豈爲中情憐絡秀已將英物許桓温

北堂盻徹今初見肯避含飴哺育恩

又

君以嗣故出錢爲橋王青渠臨終以駢牛祝故及之

一念初萌病涉憂天教熊夢稱心求
海中仙果元蓬結掌上明珠豈暗投
丹穴有雛還得鳳青渠留語果騎牛
君家湯餅初開局衮衮從今莫厭稠
總判覩佛光於雞頭山次韻
雞頭孤聳翠連空雌伏羣山讓獨雄
須信地靈光有異定應人到意先通

幽微更出三綱外真妄端生一念中
懶我無由看竒特曉窓擁被日華東

送趙君錫之秦州吏目

十年爲吏困無貲平昔操存便可知
精悍不妨身短小笑談足了郡支持
宗資主諾應多暇儀狄裁書且暫辭
贈別一言君記取莫教人作腐儒嗤
壽任壽之

清遠堂中酒泛卮森森蘭玉照階墀

論年孰與諸任齒尚德優爲一縣師
芹藻漪漪春澤滿桑榆戀戀夕陽遲
相望兩舍難趨賀謾遣書奴爲致辭

贈月軒日者

曾中珠緯自分明月滿秋軒夜氣清
靜處要將身體驗說時奚尚口縱橫
立交演畫皆臻妙候色占年亦造精
知我生辰宿南斗一詩何惜送行程
送王茂先赴憲府選擢

臨事剛明接物和眼中如子豈能多
清流已許優充選公論方知久不磨
疇昔稔聞仙注籍此行何異士登科
離觴飲罷宜催發不用驪駒更緩歌

挽任壽之

前輩凋零歎曉星可憐配月獨長庚
梓州家世餘文獻華屋丘山隔死生
年及耄期夫復憾葬從古禮足爲榮
緬懷清遠堂中像東望潛然欠一行

餞楊同知任蒲西歸

道傍笳鼓記迎新又作長亭惜別人
千里畏途成雅俗一言寒谷變陽春
朝廷有意歸楊震父老無從借寇恂
金印此行如斗大西還遙望使車塵
寄張允濟憲史

脫身府史簿書叢榮選西臺得鉅公
立已立人施有漸讀書讀律用無窮
高風舉翮孤騫遠何日掀髯一笑同

莫惜橫霜案頭筆常題數字寄征鴻
挽趙伯範廉副

一門卿相自蟬聯攬轡君方志慨然
忍見黃泉埋白璧不教清廟奏朱弦
霜寒鴻鴈行新斷日暮驂騑路莫前
絮酒隻雞何處奠西風哀挽寄靈筵
餞太子賓客王山木赴召能
龍飛天表廓羣陰小密求賢正自今
已分引年無仕志何勞新貴有知音

諮詢國論須黃髮報答君恩亦素心
休沐歸來宴私第免教手足歎商參
又

星馳使傳趣曹裝北望觚稜上帝鄉
豈爲一身辭溽暑要令萬國變清涼
燮和正藉鹽梅味事業終歸汗簡香
踈傳功成還有疏桑榆留取日餘光

又

大經大法幾能知愚陋從公稍質疑

餘事從旁觀灑翰有時乘間獲聞詩
寵恩固與人同喜別恨情知我獨私
此去藥欄誰枉顧碧雲凝睇暮秋時
和竹軒道錄見贈

綆短何由望汲深清詩爲我滌塵襟
雖披風袂授仙籍時吐天葩照士林
偶爾笑談成撫掌澹然玄默久忘心
南褒自謂棲遲客誰識希聲是大音
冬菊開於歲寒簡仲章益友

陳跡東籬一片荒歲寒驚喜見鮮黃
叢依徑竹分將翠藥闌江梅讓與香
只道卓爲霜下傑豈知更有雪中芳
陶公已遠名尤著可是茲花節愈剛
次竹軒道錄桃接梅韻二首

曾是玄都舊日栽半生夢斷却爲梅
蒸霞方艷依稀帶傲雪清姿取次開
佳實要期和鼎鼐瘦秣安忍伐條枚
老仙月夜頻吟繞豈爲升章步斗魁

又

奪胎換骨雪中開尚有妖紅淺暈腮
芳樹合供和靖繞仙根元自武陵來
風過幽戶傳香信月挂橫枝作鏡臺
袞拂好花須好語主人况是足清才

寄挽李宅馬氏賢母

半生自號未亡人素節高風孰與鄰
教子不將恩掩義推財能以富周貧
風霜共歎庭萱悴雨露空餘宰木春
挺挺諸郎如玉立向來懿範更光新

節婦劉氏挽章

柏舟高表照城闈素節孤風久更新
雅羨松筠堅晚歲陋嗤桃李再陽春
敬姜慟哭深知禮謝蘊清言自絕塵
今日九原同穴處我知應不愧良人

又

夫天不幸蚤罹憂白璧持身反見尤
簪服從權期取信琴書適意復何求

可憐桂逐秋風殞又歎萱隨夜雨休
留在蘭孫一芽好莫將天道付悠悠
次韻荅竹軒道錄見寄一首

其一褒莊即事

稻梁饒足水邊莊竹樹因依野外堂
詩老歸來尤鄭重鄰翁歡慰絕厓涼
犬能識主還相逐鳥解知名祇自揚
久矣城居厭塵土解纓欲擬擢滄浪

其二冬日即事

消息應從日下來姓名知己徹丹臺
門前朝士爭投刺鑪畔麻衣但畫灰
白髮莫言踈世味黃冠元自隱珍才
閑中袖手搜佳句野馬誰知本是埃
九月八日賦二種芙蓉二首

其一紅芙蓉

豐肌弱骨與秋宜宿酒酣來不自持
豈爲嚴霜成槁質要憑初日發妍姿
燕姬入畫猶嫌陋蜀錦圍窠未足奇

獨對芳叢寄幽興子高真是遇仙時

其二轉觀芙蓉

露涼風冷見溫柔誰挽春還九月秋
午醉未醒全帶艷晨粧初罷尚含羞
未甘白紵居寒素也着緋衣入品流
若信牡丹南面貴此花應是合封侯

贈杜廉訪

豸冠諤諤盡英賢時論尤推尺五天
身正豈容姦在側法行能自內爲先
迅雷掩耳嗟何及明月當頭照不偏
正際元貞求治日可能持祿但圖全

錄事司廨宇新成

不費公帑不斂民眼中輪奐一時新
編氓亦喜司存定胥吏何憂轉徙頻
戒石有銘槐共古公庭無訟草留春
從今宴坐觀心處餘庇須教溥及人

賀楊世英治中新除

兩省聲華著望郎歸來未許便韜藏

青天寶墨下新寵白日錦衣行故鄉
曾捋虎鬚非苟合得伸驥足更奚量
四書儘有工夫在仕學從茲道愈光

送李道錄

德業清高體性純玄門三載博施仁
祖庭稔聽聲名曰漢郡欣瞻氣宇新
識量不同凡俗客襟懷還是謫仙人
明朝跨鶴乘風去日月壺中且自珍

壽李推官

愛重寒儒禮茂加情知孔李是通家
精金百鍊元存性美玉重磨本不瑕
眼底雲仍天有報樽中風味日無涯
期君壽考如松茂老幹蒼髯閱歲華
餞王某入省掾

晉產英奇見若人紫髯郁郁照青春
脂韋豈羨常情悅骨鯁須教正論伸
不負相君平日顧坐令田賦此時均
回轅早慰梁民望一簣誰能繼後塵

餞齊節使入蜀

去歲如京乞水衡歸來遷秩便專城
自甘進取輸英妙天遣功名屬老成
坐看蠶叢皆樂土肯教烏啄毒窮氓
漢中遺愛人猶說更要西風送好聲
餞王同知美解東歸

眼中看熟幾楸枰出貳侯邦信老成
悃幅無華忘吏巧設施有道合人情
歸心梓里胡爲切彈指瓜期已及更
筋力未衰時任舊且須龜勉助升平

和李之晦

書齋兀兀度朝曛載酒相過賴有君
自爲凡禽難比鳳更慙猶草敢同薰
七年旱渴逢甘雨萬里風清破宿雲
芝宇瞻依慰平昔情知所見勝於聞

贈康案牘之任

年來案牘閱人多一見知君氣宇和
久向蘭臺推俊爽且教蓮幕暫經過

簿書事了無煩冗官長心閑得嘯歌
休歎功名尚卑薄爲山覆篔即峩峩

臘八日王縣尹壽

文時監修廟

遺愛曾歌令尹賢未容投劾徑歸田
泮宮宣力猶如己吾道知公肯結緣
晚景桑榆春尚好歲寒松柏老彌堅
吉人爲善天昌後兩地雲仍慶壽筵
贈張廉訪回漢中時張見過
騶從傳呼陋巷中忽驚御史駐青驄

便教鄩屋光相照始信韋編道不窮
感激肝腸明數日笑談牙頰漱清風
今朝攬轡人應去漫刺何緣再一通
色目廉訪與張廉訪見過

繡衣將指到梁庭丰采峩峩見典刑
白簡久嚴晨按事青燈不廢夜傳經
忽聞聯轡來卿月深愧衡門聚德星
吾道自今增九鼎詩奴聊爲表中扁
次張廉訪見寄

事君無意復還鄉此日明堂要棟梁
鸞鳳豈能稱鷲鳥蟾蜍安敢望飛黃
人欣霽月三秋滿目送歸雲萬里長
更有新詩壓元白章程未可議張蒼

題開成路晚景亭

西邸葭莩意自闌不求榮利衆稱難
靈椿丹桂皆天理古柏蒼松閱歲寒
蔗本有甘因倒啖芸編無蠹爲長看
未能杖屨相從樂遙爲先生賦考槃

與蒙古教授馬良卿

澶淵名族伏波孫時務通明氣質溫
兄弟白眉推秀傑公卿青眼合量論
冷官隨分三年滿大器成名異日存
未得相從見顏色寄詩徵取友人言

雨中走筆書

四集雲容鐵騎來俄然空際鷹煤炷
滂沱幾陣江湖合霹靂一聲天地開
生意豈惟回草木煩襟亦爲洗塵埃

化工神妙雖難測也要調元得上才

宋錄判仁卿祈雨有感

潔齋徒步陟雲岑步一作陟穿雲徒閔雨

知君用意深早挹靈泉清似玉澤均

農畝勝於金他年定卜為霖手此日

端能簡帝心禾秀秧齊成樂歲民將

鼓舞替呻吟

次王仲禮韻仲禮生朝大雪次日詩來答之

惠我新詩見至情風簷披讀眼增明

祗知大雪表安卧誰料長庚李白生

先施固慙今日報後凋元有歲寒盟

知君勝有如川酒定為來遲舉罰觥

贈王秀才歸葬二親

秋風兩鬢已華顛兵後鄉書涕泫然

桑梓歸期寒復暑松楸寸念日如年

滯留莫訝來何暮拜掃誰知夢獨先

親舊此行成會語巴渝江上月應圓

耶律總管自西蜀還漢中

儒館丹青氣象雄諸生成詠浴沂風
永懷昔日成功最如見賢侯在眼中
未問甘棠思召伯且先泮水頌僖公
舊轅蜀道重趨謁蒲慰塵心喜曷窮
賀何提領開惠民蜀

岐黃至藝久精研霄漢飛騰正妙年
深羨一朝膺寵渥豈知三世得真傳
民霑實惠仁應博親及光榮孝克全
從此大施醫國手陰功陽報理昭然

代題賀延安李氏八十二卷

星元七葉太平民八秩康寧見在身
神理要教全五福妙齡稔說孝雙親
曾蘭玉階庭更可人遙想鄜延萬家邑
母誰如李氏一堂春
刺
臂
已
二
載
疾
明
又
桑
榆
門
巷
偏
留
景

順齋先生閑居叢書卷之四

順齋先生閑居叢藁卷之五

男 蒲機 類編

門生 薛懿 校正

律詩

七言

與蒙古經歷

幕中郁有古風還畫諾須教刺史閑
但得曾襟清似水何憂簿領疊如山
四書至味沉潛外三歎遺音雅淡間

叢書卷五

一

大器晚成天意在不勞驚訝鬢毛斑
與金州唐節使

少年交結盡名流氣壓元龍百尺樓
曾出奇謀清朔漠更教遺愛及西州
百篇囊有珠璣積一話曾無芥蒂留
早晚漢城催報政定將興學占先籌
餞張南發兵後求姪孫

淚灑鵠原惟一息魂消鳳嶺更諸孫
崑山焚玉劫灰冷合浦還珠天理存

跋涉可能嗟歲暮團藥猶及見春溫
當途果有成人美愛助須教薄俗敦

賀扈宰樂山亭

面對終南第一亭光芒時動少微星
心閑老去稀華髮眼淨朝來望翠屏
拄笏雅知多爽氣移文何用託山靈
欲參靜壽無言答萬古相看只麼青

晉卿參軍美解

烟幅無華語最真慈祥融作蒲城春
官期已代寧堪客鄉思難裁正為親
秦嶺雲寒凝別恨鄜州月滿望歸人
劇談曾羨茲風土傾蓋他年定有因

送謝書吏入察院

年來覲面記凡三傾寫今回得細談
吏習豈容甘窘束聖經似欲苦竒探
置身清要期無負著跡廉能自不慙
擬託梅花泥行色驛胥門外報征驂
與張彥雄典史

簿領生平已白頭
漫漫官海類沉浮
久拚袖手閑中過
未肯馳心分外求
自昔事人惟直道
祇今起廢得賢侯
不虧公賦舒民力
贊畫須看笑一籌
白鬚一莖戲示德衡

世間涅白成緇
易鬣鬢還能黑
變皤萬事塵埃常作惱
一莖霜雪總嫌多
倩人歎鑷真堪笑
顧我耽吟已被魔
五五青春猶見此
不知衰老更如何

和雲南張叅政韻

一泓止水湛天君
妍醜須教物自分
明月照開蠻徼地
清風吹破瘴江雲
絲綸方重當今選
竹帛終垂異日勲
擬藉墨卿修刺謁
自慙庸陋豈能文
又

盤盤襟量見夫君
涇渭清渾次第分
道德餘光禪日月
才名晚節際風雲
救時雅負姚崇志
奉使曾竒陸賈勲

會看德星明絕傲不妨清夜候天文

又

雖居畎畝不忘君行止難將一語分
貧陋自甘門挂席明光誰奏賦凌雲
宦遊海內寧容跡翰墨場中擬策勲
函丈今朝接餘論我知天未喪斯文

同知禱雨殊應

去冬新歲旱堪憂賢俸精誠力禱求
設次致齋先潔己出郊徒步爲迎湫

一犁甘澤應無負萬頃來甍看有秋
老弱免爲溝壑慮定將何物報吾侯

又

麥針塊底渴春膏旱暵經時土不毛
致此精神何愧怍沛然甘澍解焦勞
寸心已自孚天意一飽端能及我曹
欲贊賢侯霖雨手賦詩自笑乏風騷

石節使漢中改葬二親

子平情事未能忘得告歸來辦歛藏

問具直須如古制興哀猶得似初喪
便教閣雨深知孝不待移辰始克襄
明日宦程又回首聲詩聊爲發幽光
與徐伯弘廉使

栢臺蘭省見清規廉閣西來未及暮
憲府宏綱方日舉秋官召節已星馳
寸心天地殊無愧千載風雲自有時
山澤癯儒雖之用尚能歌詠得賢詩

又

身退明時重挽留肯將富貴自爲謀
才名應是世間傑心志常先天下憂
鷓鴣擊強猶易見鳳麟呈瑞更難求
此行台斗終須踐海內沉痾庶有瘳
與郝僉事

人物當今比數中故家喬木迥難同
釋冤正得真卿雨疾惡方驚伯厚風
忠義至誠知不負文章餘事亦能工
此行足慰斯民望但惜匆匆馬首東

又

小齋容膝為誰開
賸喜分司使者來
此日寵光生白屋
他年盛事記烏臺
清風亶亶聞餘論
霽月溶溶絕點埃
甚欲搜枯伸謝臆
斐然成句不知裁
仲章分送雙鴨以詩為謝

飼雛分食顧鴟盤
黑白成花見羽翰
作對恍疑王令馬
能言新出陸家闌
穿籬正恐比鄰惱
蒸瓠寧供好客餐

惠我且寬庖宰限
階前短足任踡跼
次耶律奉使鎮南樓詩韻

雄視坤維有此樓
恍疑八表繼神游
山連秦蜀相鄰際
水接襄樊不盡頭
陰闔陽開增偉觀
月明風冷怯清秋
百年豪傑登臨處
詩興飄飄隘九州

壽西軒王先生七十

當代聲名重泰山
天教後學見衣冠
老來已向從心悟
閑裏何憂致仕難

松柏交陰同種德子孫承候數傳安
一杯蒲爲先生壽宗主文盟閱歲寒

金州王節使惠茶

王因論鹽法至府

一緘雲翰識謙和紫餅相兼厚意多
惠我喜從金郡牧報辭愧乏玉川歌
風生曉鼎清詩興日永晴窓戰睡魔
豈止吾儕得真况更期良法論鹹醅

趙叅政寄墨

子墨客卿新見歸尚書賢相舊曾依

人間鈞寵憐寒陋天上台光接少微
九鼎鴻毛真借重一珪玄玉爛生輝
情知造物留椽筆勲業猶能爲發揮
壽山木玉國賓時總尹興元

早擅雄文直禁林晚年隨處種棠陰
一言恕得聖賢印萬物生同天地心
華髮元龜惟舊德紫泥丹詔聽新音
道山日月春長在且爲梅花蒲意斟
與曹總管

魯齋授受得精微已際風雲見發揮
平昔功夫該體用只今事業信光輝
吏民與我傾心久人物如公屈指稀
前日泮宮聆一話情知吾道有依歸

餞雷豫

鼎湖龍去已踰年聖德神功付史編
四海遺文須紀錄一時妙選及英賢
才華合起明光草聲價曾依幕府蓮
東閣官梅春正好肯稽王事少留連

送金州宣美

當代雄豪磊落人一州慕爾豈容身
恩懷旼俗猶親子禮貌儒生若大賓
飽看江山三載滿促歸勲業一時新
我言有徵非諛頌曾問甘棠戴白民

餞趙總管之蜀省叅政

江漢承流近五年榮陞執政入西川
三朝再世忠誠著雙相一門昆弟賢
德量廟堂應不負勲名鐘鼎更須傳

春風到處隨旌旆坐覺坤維已晏然
賀大叅趙公榮陞蜀省

先公忠孝有天知昆仲青氈復鳳池
榮捧白麻瞻北闕前驅畫戟鎮西陲
賓僚共仰今朝賀父老難忘後日思
叔拾五年寬惠政忍教寫入送行詩

鞏昌城隍廟古槐摶枝壓屋可

郡同知構於神次日櫻枝已
剪移宜於地了無聲聞郡人
之美其誠予感繼詩文以寄
之遂求予作賦以寄

古廟庭槐已十圍摶枝壓屋礙修治
公輸雖巧技莫展別駕至誠神自知
靜夜不聞聲與臭平明忽見剪還移
威靈豈但驚凡目要索詩人為賦詩
御香至文廟

莫將仄冷歎斯文星使來添寶鼎薰
晉邸祝釐皆有謂泮宮行事未前聞
要憑明德通三已見祥煙結五雲
但說天功非己力二君不解代慙慙

贈武康楊吏目茂卿

簿領遭回兩鬢絲三年州幕歎乘遲
耽書癖於左氏傳覓語工似唐人詩
休憚朔風行役苦要看晚節復榮時
寧馨好在長安火想爲親來出董帷
送桂時可教授

排雲闔闔叩天聰名動朝紳一日中
旅困五年非敗北水流萬折竟朝東
喜聞鱣序恩初沛須信麟經道未窮

却似當年新及第馬前惟欠杏園紅
劉君舉迎母陝西就養

鶴髮慈闈暮景長豈辭王事不遑將
簿書曉出趨西省猶隨時歸奉北堂
餘日固知當愛惜孤雲無用更彷徨
他年厚祿回鄉里要看菜衣捧壽觴
贈日者朱月潭

朱子曾中五緯學古潭霜後一輪秋
談天有口逢清賞印月無心異濁流

浙玉不堪江漢任挑囊又作錦城游
臨行苦要新詩句爲問飢來煮得不
題趙秀才鳩錢贖伯團聚卷
父兮生我已歸泉伯也爲俘未出樊
地下有知寧瞑目天涯無柰只銷魂
可憐孝子能承志所幸東人不寡恩
故里團藥燈火夜此行真足慰亡存

寄德衡弟同僚子安賢友

我亦聞弦解賞音未瞻眉宇識君心

脂韋肯與時情混鐵石應知歲月深
千里神交同晤語三年吾弟辱良箴
得朋久向西南望何日相逢話續今
九月同李子文羅壽甫行城

南溪上

溪水泠泠玉佩聲沿溪路轉忽川平
襟懷鬱滯得開豁腰足痺頑時散行
幾樹霜紅明夕照數峯煙碧倚寒晴
茲遊勝友相酬和殆與秋光欲闡清

與哈赤同知時任興元

氣心五六貌敦龐曾次玲瓏三八窻
曾盡小心參禁闥合膺高爵貳侯邦
民知愷悌情先得吏見精明氣已降
宣化承流何所似溶溶新綠漲春江

送夾谷權府赴并州同知

平生踐履用切深中歲名場見陸沉
萬事已拚閑不問一官能與老相尋
涇源眈眈焦勞望漢水悠悠去住心

後日征驂杳西北更期珍重保千金
送張知事任滿回奉元

蓮花幕下盡儒珍談笑風流獨數君
歸路不妨乘欵段簿書何足較紛紜
與人有約泉邊月同我無心嶺上雲
此去終南定高卧好音時遣數相聞
送經歷王元亨赴憲幕任

西軒老子笑顏開喜見鸚鵡雛眼底來
可是官程還有限又教行色苦相催

刀圭小試趨蓮幕書檄旋聞赴柏臺
清譽如今塞朝野誰云吾道乏人才

賀張尹新除

舊西鄉簿

除書捧讀謝恩歸脫却荷衣便着緋
百里陽春能煦物九霄郎宿更增輝
徵科有道追胥少聽決無私訟牒稀
食祿固知男子事可能榮養及庭闈
與張錄事先任平涼經歷
吏能曾試幕中賓此日參軍姓字新

百雉肅清應奠枕九衢生聚少游民
政寬定使征徭薄公退何妨笑語頻
近歲疲氓遭歉惡可無竒術弭吟呻

李子文得雉

子文集名南漢類

掌上嬌嚶玉雪肌恠來黃色喜生眉
固知仙李盤根大却笑蟠桃結子遲
藁類南溪應有託樽開北海更何疑
他年擬賦高軒過定說君家總角兒

次韻張仁甫見贈

窺竊陳編苦肺腸何殊鼠雀解偷倉
自知日計成鳩拙况與時賢敢鴈行
推激過高增愧忤陪從未久見循良
泮宮鳴道須前輩如我空踈分括囊
與李總管時之興元任

卿月分輝領郡章手持天誥出鷄行
五雲佳氣觚稜遠萬里先聲姓字香
密勿久叅經國務慈祥小試治民方
他年史筆標循吏未信龔黃獨有光

次韻王仲禮

上巳約出郊
雨不果

朋友惟君氣味投相尋一笑果何由
暇中值雨唯思睡貧裏逢春只辦愁
行樂忍令佳節負光陰不爲少年留
且看明日開晴霽拄杖從公到處游
德衡弟久患目疾昨送决明
因有詩謝用韻以答

久厭齏酸滑帶涎此花功效敵黃連
槐芽細細初供摘菊蕾青青未闢妍

風味更宜濃煮茗醺酣休說內裝絲
我今唱和須留着付與他時小姪編

與汪同知注左丞子廣
興元同知

三葉勲臣秉節麾生來官爵不憂遲
貳車豈是淹留地弱冠聊爲仕進基
未報君親心最急正當民社學兼資
更期養就凌雲翮復取青氈占鳳池
獸炭

山林斤斧日童顛陶穴還將烈炬然

已許寒爐供歲計更遭豪客損天全
火牛藝尾終難遁霧豹焚身亦可憐
爭似繡簾金鴨好晝閑長吐一絲煙

題王提學曲肱亭

八詠南棗意未厭又看新榜照危簷
不嫌蔬食供清淡時復華胥寄黑甜
霽月光風非俗物仁山智水得珍潛
夢周老我今無復希聖工夫敢自謙

呈王西軒先生

者舊風流不數人喜於函文接清塵
只應賀監知前世肯倚王維認後身
萬古長庚常配月一言寒谷便生春
割雞已枉庖丁具聞有禎祥到渭濱

送趙經歷羨解東歸

蓮幕雍容六見春簿書叢裏得抽身
筆端有藥醫民瘼囊底無金濟客貧
事與向時嗟勢異誰於吾道最情真
一詩不盡睽違意側聽除音入耳新

送陳洪道

有亭在第十九卷

風骨翛然野鶴孤遠游應笑泣窮途
藩籬不限終聞道冠服雖殊內本儒
曉揖清風趨孔里晴占紫氣入殷都
歸來曾次應瓌瑋未敢相看作故吾

上張僉事

面日春風鐵石心堂堂人物重當今
久聞珥筆司彈劾喜見登車出按臨
白璧溫純無少玷朱弦踈越有遺音

不從汗簡留名字清譽先傳蒲士林
送劉載叔歸鄉葬親

天涯陟岵歛兵餘淚眼驚看季父書
二老重泉成夢後孤兒萬里得歸初
欲封杯土心尤切難報終天痛曷如
愛莫助之應重感一詩何惜送征車
別總判忠翊任侯

惘幅無華更老成恬然隨分即功名
大羹玄酒有真味古磬朱絲非俗聲

漢郡每懷深仰德燕城不意遽趨程
再瞻芝宇知何日聊藉荒詩叙別情
彥實道錄職教漢中蒲代

剝落浮華一味真三年道侶敬如新
此時正際棊收局平日方知德服人
已辨內丹輕歲月更將外物等埃塵
歸歟重訪師門舊閉戶蕭然說養神

劉邢公慶九十應制

唯齋
封司

父子華顛一品崇古今四海罕能同

賢良不羨齊轅固爵齒兼儕衛武公
羊出太官嘉會映鳩蹲靈壽眷恩隆
小臣應制討何取但願年年拜下風

又

養老獲賢聖主心三槐劉氏慶源深
郡公黃髮封宗國萊子斑衣長禁林
珍從忽聞恩有及寵驚自謂福何任
定時拜賜官壺酒壽筭今朝滿意斟
壽秋谷平章

卷之三

十八

碩材猷護賴言切已與明堂作棟隆
江漢炳靈雖借重乾坤間氣自難同
勲名真似轉志獻壽考當逾郭令公
更爲皇家建邦本異時綠野樂無窮

又

此日懸慈薦壽尊祝辭富貴不須論
春融定見叢穉發陽復端由碩果存
臧達忠言宜有後栖筠相業會傳孫
心蓬準備爲弧矢佳氣葱葱集慶門

周南翁待制奉母歸鄮焚黃
一路瀛洲已決登兩封一贈死生榮
慈闈垂白康寧福丘壠焚黃感愴情
郡江山如有待潘輿里巷共歡迎
歸莫作懷安計遠大須期異日程

贈茶劉先生

東海人有疾者飲以茶愈故名

安期曾授棗如瓜更有通靈石鼎茶
能使膏盲奔豎子却愁名姓動京華
新泉活火隨緣計明月清風到處家

卷之六

九

仙道由來先濟物豈甘朝市博煙霞
題曹溪應真圖

妄身當日已成空幻影誰教落畫工
折葦浮杯皆佛事降龍伏虎盡神通
朋儕十六緣塵外世界三千變現中
我亦逢場聊戲墨何須直待嗣宗風
挽天師留國公

留侯華胄復封留學貫天人孰與儔
爵以上公膺寵數年違中壽返仙游

百靈長護家傳劍一代空驚壑徙舟
耿耿輔元心未已玄宮應共祖師謀

又

妙齡警悟讀儒書正一宗傳不恠迂
感雪呈祥銀錫印退潮爲害鐵書符
無心更欲居浮世有子還能嗣遠圖
玉兔仙翁成約在夢中騎鶴上清都
題祖生求母詩卷

盜起黃華發禍機祖生五歲失慈闈

淚如積雨幾時盡目斷孤雲何處飛
三十年中勞徧訪數千里外喜同歸
始知天理符人事孝感曾無間顯微
題某氏生封母

明時盛典世難逢慶集慈闈喜氣濃
子歷官榮供祿養天教壽嘏及生封
鸞書優渥頒恩數象尊嚴稱德容
積厚報豐知未已嗣今申錫看重重
送李元章赴縣宰任

東溪玉潤見名郎
稔住京華仕太常
已慣在庭觀禮樂
仍須試邑課農桑
持身有道廉爲本
恤衆無他惠是方
陝服古來稱召伯
異時遺愛似甘棠

順齋先生閑居叢藁卷之五

